



Ulloq: 6. juli 2021  
Allaffik: Nordatlantkontoret  
Suliarinn.: Amanda Alberte Heino  
Stilling  
Suliaq nr.: 2019-490-0140  
Dok.: 1769877

### EQIKKAANEQ

**Kalaallit Nunaanni eqqartuussisarnermik inatsisip aamma naalagaaffimmi tjenestemandit Kalaallit Nunaanniittut pillugit inatsisip allanngortinneqarnissaannik inatsisissatut siunnersuummut missingiut (Pinerluttulerinermi eqqartuussisarnermi digitalimik attaveqaatinik atuineq, suliaq nassuernertut suliarineqartut, najuutinngitsoornermi eqqartuussutit, eqqartuussisut aamma najukkami eqqartuussisut tunuartussaaitaanerannut ukioritineqartut il. il.)**

Danskit Naalakkersuisuisa aamma Namminersorlutik Oqartussat Kalaallit Nunaanni danskit akisussaaffigisaasa ineriartortitsinerat tunngavigalugu inatsisissatut siunnersuut suliarineqarpoq. Annerusumik Kalaallit Nunaanni eqqartuussisarnermik inatsisip allanngortinneqarnissanik siunnersuutunik arlariinnik inatsisissatut siunnersuut imaqarpoq, siunertaqartunik pinerlunnernik suliaq suliarineqartarnerisa pitsanngorsarneqarnissaat.

*Siullertut* inatsisissatut siunnersuutip siunertaraa, pinerluttulerinermi eqqartuussisarnermi digitalimik attaveqaatinik atuisinnaanermut tunngavissamik eqqussisoqarnissaa, danskit eqqartuussisarnermik inatsisaanni § 148 c-mi aalajangersakkamut assingusumik. Inatsisissatut siunnersuummi taanna, Kalaallit Nunaanni Eqqartuussiveqarneq pillugu Siunnersuisoqatigiinniit innersuussinermik tunngaveqarpoq.

*Aappaattut* inatsisissatut siunnersuutip siunertaraa, suliat nassuernertut suliarineqartut pillugit malittarisassanik eqqussisoqarnissaa, ingerlaannartumik eqqartuussutunik taaneqartunik eqqartuussuteqartoqarsinnaanngortillugu.

Slotsholmsgade 10  
1216 København K.

T +45 7226 8400  
F +45 3393 3510

[www.justitsministeriet.dk](http://www.justitsministeriet.dk)  
[jm@jm.dk](mailto:jm@jm.dk)

Naalakkersuisut kissaatigisimavaat, Kalaallit Nunaanni eqqartuussisarnermik inatsimmi suliat nassuernertut suliarineqartut pillugit malittarisassanik eqqussisoqarnissaa, tassunga ilagitillugu pinerlunnermik suliasat ingerlaannartumik eqqartuussuteqarfiusinnangornissaannut tunngavimmik eqqussinikkut – eqqartuussisooqataasartut peqataaffigisassaraluanni – pasisaq nangaassuteqarani nassuerpat.

Inatsisissatut siunnersuutikkut eqqartuussisarnermik inatsimmi immikkoortumik nutaamik ikkussinissaq siunniunneqarpoq, suliat nassuernertut suliarineqartut pillugit aamma eqqartuussinertaqanngitsumik akiligassinneqarnermut malittarisassanik imaqartumik, danskit eqqartuussisarnermik inatsisaanni kapitali 76-imut assingusumik. Tassunga atatillugu ilaatigut siunniunneqarpoq, sumiiffigisami akiligassinneqarnermut akuersaarnissamut aamma akiliinissamut tunngavimmik pilersitsisoqarnissaa. Tamanna danskit eqqartuussisarnermik inatsisaata allanngortinneqarneranik tunngaveqarpoq, naammassineqartumik eqqartuussisarnermik inatsisip allanngortinneqarnissaanik inatsimmi nr. 714, 8. juni 2018-imeersukkut (Suliassiissutit pillaatissartallit suliarineqartarnerinik sivikillisaaneq).

*Pingajuattut* inatsisissatut siunnersuutip siunertaraa, pinerlunnermik suliasani najuutinngitsoornermut eqqartuussuteqarsinnaanerup annertusineqarnissaa. Malittarisassanik annertusaaneq danskit eqqartuussisarnermik inatsisaannik allannguinermik tunngaveqarpoq, naammassineqartoq eqqartuussisarnermik inatsisip allanngortinneqarnissaannik inatsisikkut, pillaatiniik naammassinninnermut il. il. inatsisikkut aamma attaveqaatit elektroniskiusut aamma kiffatuussissutit pillugit inatsisikkut nr. 203, 28. februar 2017-imeersukkut (Najuutinngitsoornermi eqqartuussutit, suliassiissutini pillaatissartalinni il. il. nalunaarutiginninneq aamma digitalimik attaveqaatinik atuineq).

Allanguutip siunnersuutigineqartup malitsigivaa, suliani, allamik kinguneqanngitsuni akiligassinneqarnermik, arsaagaanermik, biilersinnaanermut allagartamik arsaagaanermik aamma taarsiiviginninnissamik, eqqartuussiviit pinerluttulerinermi suliat taamaattut *naammassissagaat*, unnerluusaaq nassuersimagaluortoq, aamma suliaq allanik uppernarsaatinik saqqummii-nertaqanngitsumik aalajangiiffigissagaat, unnerluusaaq najuutinngitsoorpat inatsisitigut malinninnikkut paasissutissiinertaqanngitsumik.

Aamma allannguutip malitsigissavaa, unnerluusaaq akuersiteqqaarnagu eqqartuussutissamik isumaqatigiinniarnep eqqartuussuteqarfiunissaanut periarfissaqalernissaa, unnerluusaaq najuutinngippat, eqqartuussisarnermik

inatsimmi § 453, imm. 3 malillugu, naatsorsuutigineqaraluarpalluunniit isertitsivimmi inissinneqarsinnaaneq (taamaattoq sivilisunerpaamik qaammatini 6-ini). Tassunga atatillugu illersuisussamik toqqaasoqartussaataa-nermik eqqussisoqarpoq, suliani § 453, imm. 3 malillugu ingerlanneqartuni, isertitsivimmiittussanngortitsinissamut apeqquteqarfiusuni, soorluttaaq suliani § 453, imm. 3 malillugu ingerlanneqartuni suliareqqitassanngortitsinermut malittarisassanik eqqussisoqartoq.

*Sisamaattut* inatsisissatut siunnersuutip siunertaraa, naalagaaffimmi tjenestemandit Kalaallit Nunaanniittut pillugit inatsisip allanngortinneqarnissaa, Kalaallit Nunaanni eqqartuussivinni eqqartuussisunut aamma inatsisilerituunut tjenestemanditut atorfilinnut allanut tunuartussaataa-nermut ukioritinneqartut 65-iniit 70-inut qaffanneqarnissaat siunertaralugu, kiisalu najukkami eqqartuussisunut tunuartussaataa-nermut ukioritinneqartunik aamma taamannak qaffasissusilinnik eqqussinissaq siunertaralugu. Allanguinerup malitsigissavaa, eqqartuussisut aamma inatsisilerituut tjenestemanditut atorfillit allat kiisalu najukkami eqqartuussisut, qaammatip 70-inik ukioqal-lerfissaata naanerani tunuartitaasalernissaat. Tamanna Danmarkimi eqqartuussisunut il. il. tunuartussaataa-nermut ukioritinneqartut pillugit malittarisassanut assinguvoq.